

## **Publicaziuns officialas dils 14 da zercladur 2024**

### **Vischnaunca Trun**

#### **Damondas da baghegiar**

##### **Datum da publicaziun: 14-06-2024**

Petent: Giusep Arpagaus, Via Gravas 10, 7167 Zignau  
Object: Montascha d'in indrez fotovoltaic vid la fatschada sid dalla stalla sin parcella 449 a Zignau.  
Zona: Zona d'agricultura (A)

##### **Datum da publicaziun: 14-06-2024**

Petent: Domenico Staglianò, Gassa 6, 7166 Trun  
Representanza: Biro d'inschignier Deplazes, Via Encarden 3, 7173 Surrein  
Object: Construcziun d'ina casetta per containers da rumians sin parcella 3042 a Caltgeras.  
Zona: Zona da mistregn (Mi)

#### **Protestas:**

Ils plans ein deponi en canzlia communal. L'investa publica cuoja 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

*Administraziun communal Trun*

#### **Sut igl Ischi 2024 –**

#### **Détgas e Fatg(a)s d'ina perdetga metta**

La davosa producziun da Détgas e Fatg(a)s d'ina perdetga metta dad oz venderdis ei vendida ora. Ord quei motiv savein nus deplorablamein buca porscher bigliets alla cassa dalla sera.

*Administraziun communal Trun*

## **Entrada en vigor dil register funsil federal en la vischnaunca da Trun**

### **Entir intschess dalla vischnaunca (excepiu beins immobiliars tenor plans dil register funsil nrs. 5-7 e beins immobiliars nrs. 1834 e 1836)**

Il Departement d'economia publica e fatgs socials dil Grischun ha mess en vigor cun disposiziun dils 7 da zercladur 2024 l'introducziun dil register funsil federal partenent las immobilias sin intschess dalla vischnaunca da Trun (excepiu beins immobiliars tenor plans dil register funsil nrs. 5-7 e beins immobiliars nrs. 1834 e 1836, per ils quals il register funsil federal ei gia en vigor) sin ils 1 da fenadur 2024.

Tuts dretgs buca reglai el register funsil, per ils quals in'impurtaziun fuss necessaria, san buca pli vegnir fatgs valer enviers tiazas personas, che sebasan sin la vigor legala dil register funsil.  
7180 Disentis/Mustér, ils 14 da zercladur 2024

*Uffeci funsil Cadi, igl administratur, Martin Monn*

## **Inkraftsetzung des eidgenössischen Grundbuches in der Gemeinde Trun**

### **Ganzes Gemeindegebiet (ohne Teilgebiete auf den Plänen für das Grundbuch Nrn. 5–7 und Grundstücke Nrn. 1834 & 1836)**

Das Departement für Volkswirtschaft und Soziales Graubünden hat mit Verfügung vom 7. Juni 2024 die Anlage des eidgenössischen Grundbuches über die Grundstücke auf Gebiet der Gemeinde Trun (mit Ausnahme der Grundstücke auf den Plänen für das Grundbuch Nrn. 5-7 und Grundstücke Nrn. 1834 und 1836, für welche das eidgenössische Grundbuch bereits besteht), auf den 1. Juli 2024 in Kraft gesetzt.

Die im Grundbuch nicht vollzogenen Rechte, die für ihren Bestand jedoch der Eintragung bedürften, können somit gegenüber Dritten, die sich im guten Glauben auf das Grundbuch verlassen, nicht mehr geltend gemacht werden.

7180 Disentis/Mustér, 14. Juni 2024

*Grundbuchamt Cadi, der Grundbuchverwalter, Martin Monn*

## **Pleiv catolica romana Trun**

### **Lectio Divina**

Leger la bibla cun cor ed intelletg, moderaziun sur Tomasz. La proxima sentupada ha liug mesjamna, ils **19 da zercladur allas 19.00** ell'aula dalla scola Trun. Il text anfleis en baselgia ni sin nossa pagina d'internet [www.pleivtrun.ch](http://www.pleivtrun.ch). Beinvegni ein tuts interessai dalla vischnaunca Trun e contuorn.

## **Fiasta da cant**

### **Trun conta – 15-6-2024**

Ina fiasta che dat caschun da tgirar e promover la cultura da cant, da sentupar e da star da cumpignia. 30 chors cun ca. 950 cantaduras e cantadurs vegnan ad esser presents. La fiasta entscheiva allas 08.00 cun l'arrivada dils chors e cun il til festiv dalla staziun da viafier el «vitget da cant». La Musica daTrun emballescha quei act da beinvegni. Las produziuns da pag han liug en baselgia parochiala (09:00-18:30). Igl areal dil center communal e dalla scola vegn midaus en in «vitget da cant» cun tendas e stans da nutriment. Igl act festiv cun plaids, produzioni dallas canzuns generalas e cun la publicaziun dils certificats a liug allas 19:30 e vegn enramaus dalla Musica da Trun. Allas 21:00 envidein nus a «cantar cun Flurin (Caviezel)» e divertiment. Dapli sut: [www.trunconta.ch](http://www.trunconta.ch)

## **Museum Cuort Ligia Grischa**

### **Guida publica tras las exposiziuns «Sogn Gieri 1698' e d'art GRISCH**

#### **Dumengia, ils 23 da zercladur 2024 allas 14.15**

L'exposiziun speciala stat cumpleinamein el senn dil giubileum da «600 onns Ligia Grischa». En l'exposiziun d'art GRISCH presentein nus lavurs contemporanas da 16 artistas ed artists digl anteriur territori dalla Ligia Grischa. La guida ei cumprida el prezi d'entrada. Cordialmein envida il team dil museum

### **La Tavolata - tratgas dil 17avel tschentaner**

**Sonda, ils 13 da fenadur** allas 19.00 purschin in viadi culinaric (menu da tschun tratgas) tras il museum cun musica e cant dil temps mediaval. Beinvesida ei vestgadira dil temps mediaval. Per annunzias ed informaziuns 081 943 25 83 (plazs limitai) ni [www.museum-trun.ch/actual](http://www.museum-trun.ch/actual). Cordialmein envidan ils teams dil museum e dall'ustria dalla staziun Cumpadials

## **Acziun da spender saung**

Gliendisdis, ils 17 da zercladur 2024 naven dallas 18:30 -20:30 ella sala dil center communal a Trun